

S A M Þ Y K K T

fyrir Veiðifélag Miðfirðinga.

14

20. jan.

1. Félagið heitir Veiðifélag Miðfirðinga, skammstafað V.F.M. Heimili þess og varnarþing er heimili formanns.
2. Félagssvæðið nær til allra jarða — ásamt afréttarlandinu Húksheiði — sem lönd eiga að Miðfjarðará, Vesturá, Núpsá, og Austurá neðan Kambfoss, en þær eru: Litli Ós, Stóri Ós, Syðsti Ós, Saurar, Ytri-Reykir, Syðri-Reykir, Efri-Torfustaðir, Neðri-Torfustaðir, Urriðaá, Ytra-Bjarg, Bjarg, Bjargshóll, Uppsalir, Litlibakki, Barkarstaðir, Barkarstaðasel, Skárastaðir, Núpsdalstunga, Efri-Núpur, Þverá, Foskot, Neðri-Núpur, Neðri-Núpur (ytri), Torfustaðir, Haugur, Litli-Hvammur, Litla-Tunga, Giljaland, Skeggjastaðir, Dalgeirsstaðir, Lækjabær, Afréttarlandið Húksheiði, Húkur, Kollufoss, Huppahlíð, Brekkulækur, Króksstaðir, Staðarbakki, Melstaður, Barð, Sandar.
3. Verkefni félagsins er að viðhalda góðri fiskgengd á félagssvæðinu. Leigja vatnasvæðið til stangaveiði, eða stunda félagsveiði. Félagið tekur til allrar veiði á félagssvæðinu. Heimilt er að félagið starfi í deildum. Verði deild eða deildir stofnaðar, skal hver deild taka yfir tiltekið veiðivatn eða hluta vatns, sbr. 3. lið 69. gr. laga um lax- og silungsveiði. Hver deild ráðstafar veiði í sínu umdæmi samkv. sömu lagagrein.
4. Stjórn félagsins skipa þrjú menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur úr eftir eitt ár, annar meðstjórnandinn eftir tvö ár, og hinn eftir þrjú ár, og helzt svo sama röð áfram. Enginn atkvæðisbær félagsmaður getur skorazt undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn ganga út annað árið, og hinir hitt árið.
5. Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.
Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.
6. Aðalfund skal halda í marz—aprílmánuði ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá.
7. Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, gjaldskrá, fundargerðir og bréf.
8. Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.
9. Brot á samþykkt þessari varðar sektum samkvæmt XVII. kafla laga nr. 53/1957, um lax- og silungsveiði.

- 14 Samþykkt þessi staðfestist hér með samkvæmt lögum nr. 53 5. júní 1957, um lax-
20. jan. og silungsveiði, til þess að öðlast gildi þegar í stað og birtist til eftirbreytni öllum
þeim, sem hlut eiga að máli.

Landbúnaðarráðuneytið, 20. janúar 1961.

Ingólfur Jónsson.

Þorv. K. Þorsteinsson.

- 15
21. jan.

G J A L D S K R Á

fyrir Rafveitu Stokkseyrar.

I. RAFORKA

Rafveita Stokkseyrar selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 3.40 hverja kwst.
2. Um kwst.mæli á kr. 1.10 hverja kwst., auk fastagjalds, er nemi kr. 17.00 á ári af fermetra gólfplatlar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal reikna til gjalda aðeins þriðjung gólfplatlar.
Mælisleiga er innifalin í fastagjaldinu.

B. Almenn heimilisnotkun.

Um kwst.mæli á 80 aura hverja kwst. Auk þess skal greiða fastagjald, kr. 14.00 á mánuði af einu herbergi hvernar íbúðar og kr. 7.00 á mánuði af hverju herbergi umfram eitt.

Mælisleiga er innifalin í fastagjaldinu.

Í útreikningi á fjölda herbergja skal telja öll herbergi, sem ætluð eru til íbúðar, og eldhús. Herbergi minna en 5 m² skal telja sem hálf, en stærra en 25 m² sem tvö. Þar, sem meðalstærð herbergja í íbúð er minni en 10 m² má reikna með þeirri meðalstærð.

C. Vélanotkun.

1. Um kwst.mæli á kr. 1.80 hverja kwst. Hafi vélarnar mjög stuttan notkunartíma, má krefjast minnsta árgjalds, kr. 345.00 fyrir hvert kw. í málaun véla.
Eftir þessum gjaldskrárlíð má einnig selja raforku til lýsingar og greiðist þá, auk orkugjaldsins, fastagjald er nemi kr. 12.00 á ári, á hvern fermetra gólf-
flatlar, í rúmi því er lýsa skal.
2. Um afl og orkumæla þannig reiknað:
 1. Grunn gjald 900.00 kr. á ári.
 2. Aflgjald af notuðu afli 900.00 — — kw. á ári.
 3. Orkugjald 25 aura hverja kwst.

Notað afl telst vera meðaltal fjögurra hæstu mánaðarálestra hvers almanaks-
árs. Aflnotkunin mælist sem meðalálág yfir stundarfjórðung og álestrar fara fram
sem næst mánaðamótum.

Mælisleiga er innifalin í grunn gjaldinu.